

absentiū famæ, solus conticesceret, interrogatus, Cur id faceret? Quia locutum, inquit, me aliquando pœnituit, tacuisse nunquam: Laudatum hoc à sapientibus responsum mihi plenius probaretur, si sermonum sæpè, taciturnitas rarò pœnituisse dixisset.

HERACLIDES.

Heraclides ait: In idem flumen bis descendimus & non descendimus: Sapienter id quidem, sed tam breuiter, quam obscure: Nempè cui hoc esset propositum, & qui cognomē ab obscuritate meruerit, cæterum incomprehensibilem temporis fugam, hoc eloquio significare voluit, quæ quoniam in flumine sensibus apertior est idcirco de flumine loqui maluit, ex quo digressus, & si confestim vnde emerfit redeat, nomen quidem fluminis idem, aquam mutatam reperit: Rectè igitur in flumen & descendisse, & nō in idem, sed in aliud dici potest descēdisse: Hominis autē, & si parumper occultior, nihil tamen moderatior fuga est: fugit enim non fluminis tantum more, sed limus & umbra tenuis fuimus, & sumus Euro voluente

te